

**Naalakkersuisut suliffeqarfittut innuttaasunik tapersortarialinnik
suliffissaqartitsisunik nalunaarsugaasut pillugit inatsisissatut siunnersuummik
kingusinnerpaamik UKA 2019-mi saqqummeequllugit Inatsisartut
aalajangiiffigisassaattut siunnersuut.**

(Inatsisartunut ilaasortaq Peter Olsen, Inuit Ataqtigiit)

Akissuteqaat

(Inuussutissarsiornermut Nukissiuuteqarnermullu Naalakkersuisoq)

Aappassaaneerinnineq

Naalakkersuisut sinnerlugit Inuussutissarsiornermut Aatsitassanullu Ataatsimiititaliaq qutsavigissavara isumaliutissiisutaat erseqqissoq pillugu.

Siunnersuutikkut siunnersuuteqartup kissaatigaa periarfissaalersinneqassasoq namminersortut suliffeqarfiisa innuttaasunik ikiortarialinnik sullissisuusut qitiusumi nalunaarsorneqartalernissaat.

Naalakkersuisut maluginiarpaat ataatsimiititaliami amerlanerussuteqartut inassutigigaat siunnersuutaaqqaartoq, Naalakkersuisut pisussaaffilerneqassasut UKA2019-imi inatsisissatut siunnersuummik saqqummiussaqaarnissamut suliffeqarfiit innuttaasunik ikiortarialinnik sullissisuusut nalunaarsorneqartalernissaat pillugu Inatsisartuni inatsisiliortoqaarnissaanik.

Ataatsimiititaliap maluginiarpaa siunnersuut siammasissumik soqutigineqartoq, minnerunngitsumillu isumaginninnikkut periarfissat ammaanqarsinnaasut, siunnersuutip siullermeerneqarnerani oqaluuserineqartutut. Tamatumalu aamma Naalakkersuisuni uppersarppaa suliassaqaarfimmi tamatumani nutaanik suliniuteqartoqalernissaa pisariaqartuusoq.

Maluginiarneqarpoq ataatsimiititaliap ilalersormagu inatsisissatut siunnersuusiuunnginnermi nalilersuinnermik suliaqartoqaarnissaa. Ataatsimiititaliallu nalilerpaa nalilersuineq pineqartutut inatsisissatut siunnersuusiornermut ilaatinneqassasoq. Taamaattumillu ataatsimiititaliap nalilerpaa immikkut nalunaarusiamik saqqummiisoqartariaqanngitsoq inatsisissamut piareersaataasunik suliaqalinnginnermi. Naalakkersuisut taamatut isummerneq tusaatissatut tiguaat.

Taamatut oqaaseqarlunga Naalakkersuisut qilanaaraat siunnersuutip Inatsisartuni suliarineqarnissaa.